



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 30. Epistola S. Isidori Pelusiaci.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

ne credas; eos, qui talia dicunt, rejicias, *Sæculum V.*
 tanquam mendaces, & si epistolæ ipsorum *A. C. 434.*
 nomine scriptæ producantur, falsas esse
 scias. Rursus similia scripsit ad Maximum, *Ep. ad Max.*
 Diaconum Antiochenum, qui gravabatur, *to. 5. p. 192.*
 cum Joanne Episcopo communicare, quod
 is in Communionem suam recepisset Ne-
 storianos, quorum conversionem parum
 sinceram Maximus credebat. Huic S.
 Cyrillus suadet, ut abjuratione externa
 contentus, in intima conscientia eorum
 penetrare nolit.

§. XXX.

Epistola S. Isidori Pelusiaci.

Sanctus Isidorus Pelusiota & Cyrillum *Lib. i. epist.*
 reprehenderat, quod ipsum crederet *370.*
 animorum dissensionem alere. S. Scri-
 pturæ exempla me terrent, inquit: &
 ut tibi scribam, quæ necessaria videntur,
 cogunt. Si Pater tuus sum, ut dicis,
 exemplum Heli horreo; si Filius tuus,
 quod verius est, nam S. Marci vicem ge-
 ris, Jonathæ sortem timeo, qui Parentem
 non cohibuit, ne Pythonissam consuleret.
 Ne igitur uterque damnemur, fac conten-
 tionis finem! noli privatae injuriæ ultio-
 nem cum Ecclesiæ detrimento urgere, nec
 sub Religionis specie inimicitias æternas
 fove. Cum vero deinde ad ejus notitiam
 devenissent ea, quæ S. Cyrillus scripserat,
 ut Orientalibus satisfaceret, iterum S. Isi-
 dorus,

Sæculum V. dorus, ratus ipsum adversariis nimium
A. C. 434. indulgisse, rescripsit in hunc modum

L. I. p. 324. *Semper constantem te esse oportet; nam
quam ita te timor occupet, ut Dei causam
prodere audeas, & tibi metipsi adversari
videaris; si enim ea, quæ novissime scripsisti,
cum epistolis prioribus conferas, agnosces,
te vel adulationis, vel levitatis, certe
inconstantia notam mereri; observabis,
inquam: ne utiquam te illustres alii
athletas imitari, qui totam vitam in tristis
exilio agere maluerunt, quam opinioni
erroneæ, vel a longe, aurem præbere.*

Ex prima istarum epistolarum videmus, S. Isidorum fuisse tunc admodum Senem, quem S. Cyrillus, maximæ Sædis Episcopus, Patrem appellaret. Ex utraque libertas apparet, qua scribere solebat, & in omnibus ejus notatur epistoliarum earum quippe maximus est numerus, præsertim dogmaticarum, quibus vel loca Sacræ Scripturæ difficiliora explanat, vel Religionis Doctrinam confirmat. Aliæ Disciplinam respiciunt, & in iis viros Ecclesiasticos, ipsos Episcopos, & speciatim Monachos instruit. Tandem aliquæ Doctrinam Moralem tractant, atque omni status, & conditionis hominibus laicis erudiendis scriptæ sunt.

Lib. III. ep. 195. Cum non nemo S. Isidorum per litteras consultasset, quid sentiendum de efficacia Baptismi in infantes? respondit: vilem

vilem valde Ideam de hoc Sacramento ^{Sæculum V.}
illos sibi fingere, qui putarent, nulli alii ^{A.C. 434.}
Bono esse, quam ut animam a macula,
per peccatum Adami contracta, purget;
dicit præterea, excellentes Baptismi vir-
tutes esse, quod gratias plurimas super-
naturales per regenerationem, Sanctifi-
cationem, & Adoptionem conferat, ho-
minem idem cum Jesu Christi corpore
effici, & participatione Sacrorum My-
steriorum Carni ejus uniri. (*) Nempe
illa ætate Baptismus nunquam nisi cum
S. Evcharistia etiam infantibus confereba-
tur, atque tam unum, quam alterum ad ^{Lib. II. ep.}
Salutem necessarium credebatur, quod in ^{52.}
alia epistola affirmat.

§. XXXI.

Mandata contra Schismaticos.

Cum primo Cæsaris mandato haud mul- ^{Coll. Lup.}
tum fuisset effectum, alterum contra ^{c. 142.}
Schismaticos Orientales editum, & qui-
dem nominatim contra Helladium Tar-
senssem, Maximinum Anazarbenssem, Ale-
xandrum Hierapolitanum, & Theodore-
tum, quo Joanni Antiocheno communi-
care jubebantur, si detrectarent, a suis
Ecclesiis pellerentur. Mandatum istud

T 4

Comes

(*) Ex his verbis realis Præsentia Christi in
Evcharistia probatur. Quis enim de præsentia
Symbolica ita loqueretur?